

■撰文：艾維絲 ■攝影：Ben

原創手製私家袋

開店兩個月嘅「貓製品」，專賣手製皮具及金屬線手藝擺設，清一色原創，絕無抄款味道。即使你來款訂製名牌手袋，出價闊綽，老闆娘亦堅持唔做Copy Cat，皆因原創風格係Hand-made皮革品嘅最大特色。你大可依個人喜好，畫出圖樣或帶備參考資料，揀皮料揀顏色，度身訂造個「私家袋」，幾百蚊就有交易。

老闆娘Ava有10多年創作手製皮具嘅經驗，將興趣寓生意之上。佢對修補皮具亦有一手，收費由\$10起，幫你翻新各式皮具品。店內另一獨賣貨金屬線手藝品，由人手一線一線地「拗」製而成，手工精巧，造型別致；加上小燈泡，即成現代家居嘅實用擺設。

地址：希慎道15號蘋果商場12A店

查詢電話：2808-4949

營業時間：12:00pm-9:00pm



1 店叫「貓製品」，內裏卻沒一件貓形製作品，只因老闆娘擅長畫貓才命名。

2 每件皮具由構思設計至製作過程，均由老闆娘Ava一手包辦。

3 此店皮包全採用真牛皮製成，杏色方形手挽袋\$500。

4 桃紅漆製牛皮小手挽袋\$360。

5 背囊側預兩用大袋\$800。

6 對自製皮具品有興趣嘅朋友，可買份DIY小皮袋套裝，內附材料及製作說明，簡單易造，\$40。

7 手製金屬線擺設款式多樣化，蠟燭台\$300。

8 金屬線花形手飾，造型極具立體感，\$300。

